



Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

§. III. An ordinati in infantia aut ex metu obligentur ad Continentiam.

[urn:nbn:de:hbz:466:1-72963](#)

speciales, sed tantum generales, qui præcipiunt omnibus continentiam: ergo &c.

Dices IV. cum Dicastillo disp. I. dub. 26. n.

390. Qui ignorat obligationem continentiae, obligatur equidem ex voto, quod censetur tacite emittere, et si ignoret illud; id que eo ipso, quod volens & sciens initiatur Ordinibus sacris: quisquis enim sciens & prudens aliquid vult, etiam vult ei annexa, adeoque tacite consentit voto ex lege Ecclesiæ adjuncto. Resp. Neg. Assumpt. nam volens suscipere officium, eo ipso quidem censetur velle onera illi annexa, per modum legis aut præcepti; adeoque ad summum censetur velle subire obligationem vovendi, quia ~~hac~~ obligatio per se dicitur sacro Ordini annexa; sed non per hoc censetur ipsemet de facto vovere: cum hoc requirat propriam voluntatem voventis, quam non habet, qui prorsus ignorat. Immo eti obligacionem vovendi sciret annexam, posset adhuc habere minimum non vovendi: sicut sciens esse annexam obligationem legendi legas, necessariò quidem deberet subire obligationem legendi, posset tamen habere animum non legendi. Quare plures alii Auctores opposit sententia fatentur, talen obligari ex præcepto. Infero: ergo inde obligantur & reliqui. Vasquez autem putat talen non obligari ad continentiam. Sed est contra communem sententiam. Evidem quidquid sit de hoc, saltem sufficienter urget exemplum malitiosè nolentis vovere: qui quid Varij diversimodè continentur evadere, sed frustrâ. Vide Aversa q. 4. s. 7. Unde Dicastillo aliis modis refutatis, excogitavimus hunc, qui sequitur.

Dices V. cum eodem Dicastillo supra num.

394. & 398. & 400. Talis non esset quidem obligatus ad continentiam, adeoque si peccaret contra castitatem, solùm peccaret unicò peccato, maneret tamen semper & continuò obligatus ad votum castitatis existendum, eoque emissio inciperet peccatum luxuria in ipso esse sacrilegium. Resp. hoc est commentum contra sensum communem, etiam aliorum Auctorum; quod sufficit pro improbatione. Deinde sequetur, talen validè contrahere matrimonium (quidquid dicat Dicastillo) nam Ordo facer tantum dirimit matrimonium ratione voti continentiae (quod nos vocamus præceptum) seu quatenus solemniter sunt adstricti, qui ordinantur, ipsi continentiae; ut patet ex Canonibus, & illis ipsis quidem, quos alius sibi objiciunt, c. un. de Voto in 6. & Extriv. Antiquæ syra cit. atqui talis non habet votum, quale putat Dicastillo intelligi iis Canonibus: ergo non est, unde dirimeretur matrimonium.

Dico II. Sacer Ordo dirimit matrimonium contrahendum jure Ecclesiastico. Ita Scotus supra, & alii communiter. Probatur: quia jus divinum ab hoc nihil de-

crevit: votum etiam propriè non inter- ^{contrahend} veget; & quāvis interveniret, sine ulte- dum iure riū ordinatione Ecclesiæ matrimonium Ecclesiastico non dirimeret: prout nec modò dirimit ^{co.} votum simplex, quod tamen solo jure Ecclesiastico differt à voto solemnī; ut clare colligitur en. c. un. de Voto in 6.

§. III.

An ordinati in infantia aut ex metu obligantur ad Conti- nentiam?

Dico I. Ordinati in infantia non tententur ad castitatem. Ita Sanchez l. 7. Ordinati in disp. 30. num. 3. & alii communiter contra infantia non Antoninum, Ledesma & paucos alios. Probatetur: nam non possunt teneri ex voto, cùm ad illud emittendum non habuerint suffici- entem libertatem: non etiam ex præcepto Ecclesiæ, quæ per se non obligat ad continentiam, nisi illos, qui sacrum Ordinem scienter & volenter assumunt; ut ex ipsis juribus satis constat. Immo (ut Sanchez ad- vertit) aliter obligare non potuisse: eo quod continentia fit res adeò ardua, & præter inclinationem naturæ, ut nisi quis vo- luntariè statum continentiae assumat, non possit ad eam cogi per humanam potestati- tem. Quibus connotat modus loquendi A- postoli 1. ad Cor. 7. & c. De tis dist. 28. ubi di- citur: Concessam ab Apostolo licentiam auferre non possumus, iis videlicet, qui voluntarie non assumunt statum, cui conjugium est interdictum. Quin immo (ut nota Vasquez) eti obligatio continentiae esset ex præcep- to divino, non obligaret taliter ordinatos in infantia; non quidem defectu potestatis in Deo, sed ex benigna voluntatis divinæ interpretatione.

Confiteor ulterius non obligari ad continentiam ordinatos ante pubertatem: quia eti fin capace aliorum præceptorum & votorum, non tamen præcepti aut voti tam ardui. Quare sicut iure antiquo non erat valida professio ante istud tempus c. Ad no- stram, de Regular. sic nec censetur Ecclesia in talibus annectere votum aut præceptum de re tam ardua ac immutabili: quia tunc nec- dum est sufficiens maturitas judicii. Nec obstat, quod possit talis vovere castitatem perpetuam: nam illud votum semper est irritabile à parentibus vel tutoribus usque ad pubertatem; at votum continentiae aut præceptum Ecclesiæ non subjacet istis, & matrimonium dirimit.

Si autem ordinetur post pubertatem **III.2.** ante annum etatis decimum sextum, pro- ^{Quid cen-} babiliter valde obligaretur; nam eti de ^{sendum de} professione aliud statuerit Tridentinum: ^{puberibus} ^{ante annua-} tamen reliquit cetera vota & præcepta pu- ^{16. ordina-} beres concernientia invariata. Unde potest sit.

Herinex Sum. Theol. pars IV.

Xx 2 i pubes

pubes vovere Religionem, aut castitatem perpetuam, sic ut sine sufficienti causa ne quidem Papa possit obligationem tollere, & olim ista etas sufficiebat ad professionem; non est ergo, cur de facto non sufficeret ad obligationem continentiae annexae Ordini per votum aut Ecclesiæ præceptum. Nec obstat, quod statim exemplum professionis allegaverimus ad probandum, quod non ligentur ordinati ante puberum: non enim intendimus præcisè argumentari à simili (quod in positivis non vallet) sed assumptissimus ad ostendendum, quam rationabiliter explicetur mens Ecclesiæ, quod non censetur, velle præceptum continentiae, aut votum tacitum annexum Ordinibus assicere impuberis; qui non possunt, et si vellet, etiam per votum explicitum se constituere in statu immutabili, quin illud ad libitum possint parentes vel tutores irritare. Quare si tales in Ordinum susceptione votum explicitum emitterent, non esset illud, quod Ecclesia annectit, nec dirimeret matrimonium, sed posset à predictis irritari, atque esto non irritaretur, matrimonium valeret.

Si autem sic ordinatus adveniente sufficienti etate ratificaret verbo vel facto, quod circa le gestum est, statim adveniret obligatio continentia cum effectu simili, sicut in ceteris ordinatis. Quod autem c. Ad nostram, de Regularibus concedatur triduum ad ratificandam professionem, solum datur ad hoc, ut possit interea reclamare & resilire, postea non amplius audiendus; idque solum procedit quoad presumptionem fori externi. Posse vero ratificationem fieri apud Deum & in foro interno sola mente, ait Aversa q. 4. sect. 8. §. Tertio ¶. Ceterum, si sine, & tunc non minus in conscientia firmari perpetuam obligationem. Sed hoc videtur mihi habere difficultatem, quantum ad effectus canonicos dirimenti matrimonium; immo etiam quoad obligationem, quantum ad ordinationem suscepit in infantia attinet (qua secundum nos tantum est ex præcepto) videtur enim potius requiri signum externum, quod est accommodatum modo agendi humano.

DICO II. Non ligatur continentia, qui Ordinem suscipit, volens quidem, tamen adactus per vim aut metum gravem, scilicet injustum, ad hoc incussum. Ita Doctores communis contra Vasquez disp. 246. num. 34. & alios. Estque stylus Curia, ut testatur Rota in decisionibus novissimis decis. 56 i. ut refert Aversa q. 4. sect. 8. Ratio est: quia votum sic expressè emisum est invalidum c. Perlatum: ubi est sermo (sed exempli occurritis gratiâ) de voto professionis religiosæ: ergo etiam annexum Ordinis susceptioni, si tale sit. Si autem tantum sit præceptum Ecclesiasticum continentiae, multò minus tali casu obligat: nam

ad hoc Ecclesia non minorem requirit consensum, quam ad validitatem voti.

Confirmatur I. quia gesta per metum sunt ipso facto irrita, saltem quando non possunt facilè per providentiam judicis irritari; alias saltem irritabilia: quare cum in praesenti sit quid stabile, quod non potest per judices ordinarios irritari aut dispensari, censendum est comprehendendi sub ordinaria providentia juris, ut scilicet sit ipso factu irritum & nullum.

Confirmatur II. quia conjugatus per metum suscipiens Ordines non obligatur ad continentiam, etiam secundum alios; ergo nec suscipiens ita ante matrimonium: quia saltem deberet alias conjugatus ex sua parte obligari, ut si haberet votum simplex. Debet tamen vim vel metum passus ob scandalum & forum exterum causas alligare, ut judex irritum & nullum declaret; sicut etiam in matrimonio & professione invalida.

Dices I. Toletanum VIII. cap. de invitato promoto dicit: Si ad conjugia, mortuorum, redire attentaverit, omni Ecclesiastici dignitate privetur, & apostola habebatur. Vasquez ipse sibi fatetur non constare, quod loquatur Concilium de gravi metu seu cadente in constantem virum. Sed Concilium mentionem in suo discursu facit etiam de metu mortis. Quare respondet Sanchez Concilium loqui, quando postea à metu liber ratificavit. Sed hoc non constat ex contextu Concilii. Forte tamen quis dicere, id, facile conligere, & ex subiecta materia sibi calu supponi contigisse. Aliter Responderi posset cum Suarez Concilium tantum Hispanie provinciale, nec receptum ab Ecclesia universalis, immo nec viguisse in Hispania, ubi latum fuerat decretum istud. Addit Aversa supr. Quarto ¶. Ad auctoritatem, fortasse posse exponi de iis, qui et si liberè forent ordinati, tamch' inviti erant assumpti ad Ecclesiasticarum (ut loquitur Concilium) officia dignitatibus.

Dices II. Qui metu baptizantur obligantur ad leges divinas & Ecclesiasticas ergo &c. Resp. obligationem ad leges divinas Christianorum sequi tamquam necessarium accessionum accessorium ad validum baptismum; ut etiam sequitur ex jure divino subiectio ad potestatem Ecclesiæ, quæ consequenter potest illos cogere ad suarum legum, quæ non sunt tam ardentes, observantiam. At in Christi praesenti continentia obligatio non sequitur tamquam necessarium accessorium ad Ordines validè susceptos, sed ex libera dispositione Ecclesiæ, quæ non voluit tam arduum onus annectere, nisi sponte suscipiunt: ut patet in ordinatis in infantia. Deinde ad statum Christianismi quisque equidem obligabatur; non ad statum ordinorum, adeoque nec ad tam grave onus.

113.
Qualiter
ratificatio
subsequens
inducat ob-
ligationem
continentiae

114.
Non ligatur
hac lego cō-
tinentia or-
dinatus ex
presu gravi
ad id inju-
si insufflo.